

禪宗全書

藍吉富

主編


語錄部 (四)

禪宗全書

語錄部四四

藍吉富 主編

文殊文化有限公司 印行



禪宗全書



禪宗全書（全套一〇〇冊）

語錄部（四四）

主編：藍吉富

發行人：洪啓嵩

出版者：文殊文化有限公司

總經銷：彌勒出版社

台北縣新店市自由街22號3F

(02) 9154056

印製者：國美照相製版社

定價：全套 八八〇〇元整

※版權所有，請勿翻印※

行政院新聞局版台業字第三六四三號

中華民國七十九年三月初版

一、草峯憲禪師語錄

二、徹悟禪師語錄

三、虛雲和尚法彙

目次

壹、草峯憲禪師語錄	一
序	二
卷一：住構李古資聖寺語錄	四
卷二：住前溪古齊昌寺語錄	一五
卷三：住東山妙覺院語錄	一八
卷四：住觀音院語錄	二二
卷五：住雲門顯聖寺語錄	二六
卷六：拈古	三五
頌	四〇
卷七：佛事	四二
卷八：佛事	五一
卷九：真讚	五六
卷十：雜著	六一

貳、徹悟禪師語錄	六七
----------	----

序	六八
---	----

原書目次	六九
------	----

卷上：示衆	七〇
-------	----

卷下：雜著	九一
-------	----

跋	九六
---	----

書問	九九
----	----

念佛伽陀	一〇〇
------	-----

行略	一〇六
----	-----

叁、虛雲和尚法彙	一〇九
----------	-----

序	一一一
---	-----

原序	一一三
----	-----

法語	一一五
----	-----

開示	一二二
----	-----

書問	二九三
----	-----

文記	三二五
----	-----

規約	四三三
----	-----

詩歌偈贊	四七五
------	-----

草峯憲禪師語錄

清・
智 草
質 峰
等 憲
編 撰

序

越州五雲山顯聖寺自散木老人開山以
來驚薄海禪袖以趨鑪鞴大匠輩出指
不勝屈而匡雪和尚為愚庵老人幼子從輦
下受浙東當事及檀護敦請卓錫余年二十
餘遵退翁先師諄命解紛嚴統之役親
炙愚庵老人於祁氏之寓山未幾愚翁開
法珠明時侍中瓶於山湄水涯後以家
難漂零嶺嶠踈音問者數年于明聖湖
頭再奉塵海追話舊事留連晨夕而匡和
尚則在長安聚首已復送之南行賦詩贈
別有町畦以外思先躅談笑中間見古風

之句迨余請假癸丑日渡錢塘至寒溪
晤姜定庵先生及汝臯居士於松桂公
蘭若時匡和尚初住顯聖汝臯邀余拈烏
篷汎剡溪相訪而大雪漫天遂虛所願入京
數月忽聞唱寂之耗不殊惋悼至今辛
巳冬始得見顯聖并資聖西庵等語寒夜
擁毳玉泉山寮篝燈卒讀不覺撫几擊節
起而歎曰甚矣說法之難也如良醫已病
不拘一方處方不執一意愆期活人而後已
無奈肩其任者以死方治活人促病者天
年可坐以待藥師經有九橫而悞服藥殞
軀者為第一豈不哀哉盡大地含靈患

身心二病軒岐秦越人陶隱居等集成本草湛堂準和尚著炮炙論皆起死回生之妙劑而世間據曲肱之庸醫食古不化執方治病不知變通最上醍醐翻成毒藥比之而是匡和尚能吐棄糟粕全提向上不肖于第二頸接人其出詞鍊句掃盪蕩爛套

三

三

語壁立懸崖幾千仞羊腸鳥道妙叶正偏金針度而蘆織絕砥柱矗而正食充洋々乎誠深銘愚翁紫帖之璫珠元闕之錦繡吐使抱沉疴而命呼吸者一刀圭而霍然病起夫豈采聲殼為服餌以悞人性命犯廬山之藥忌者哉惜乎繼席無多歲月

旋謝間名結集遺錄輝々數卷余追溯世交擗管而弁其端蓋不能不致慨於吉光片羽耳

康熙四十年辛巳冬杪翠峰揆槃譚謹書



四

四

岫峰憲禪師語錄卷一

門人智賢同編

住構李古資聖寺語錄

康熙壬子歲八月望日入院

山門開樓閣門門涉入路路通霄祇如
不恁麼來時如何卓拄杖云丹霄騰彩鳳鏤鋸舞三
臺

佛殿你道我脊毛沒八字我道你鼻孔失半邊今朝
覩面相呈畢竟如何回互良久云刀斧斫不開
伽藍英雄佛子不二丈夫赤心片片亘今亘古雨過

苔階日卓午

祖師冷坐堆堆高庭雪赤抑逼將來道箇不識固聽
爾言焉到今日背手彎弓當面著賊咄

先和尚像前拈起香云從上一隊老古錐人人以
此為驗却又爭得今日不肖兒孫亦以此為驗獨較
些子遂燒云須知遠烟浪別有好商量

據室獅子窟原無異獸旃檀林不生雜木從來此處
迥絕攀躋摩希首羅豎亞一目好大哥知時節與麼
來驢腰折且道新長老據何宗旨泥牛海底趁紅塵
紙鷄爐中嚼生鐵

岫峰憲禪師語錄 卷一

上堂拈護法疏云楮墨未形已前金剛眼睛却被者
箇點出了也且道是何章句若未委悉更煩剖露看
檀越疏晦堂木樺南泉牡丹相逢格外我豈再三
同門疏千里同風更須覩面父父兄兄金針玉線
本山疏離四句絕百非祇者是上上機鸚鵡洲一脚
踢翻黃鶴樓衆手扶起

師到法座手指云喚作曲象木牀一任諸人瞻觀喚
作須彌燈王誰敢正眼覷著到山僧分上又作麼生
踏著故鄉田地步步不在別處便陞拈香云此一瓣
香尊貴全超空劫奇特極盡今時熱向爐中端為祝

延

今上皇帝聖壽萬年恭願一人有慶佛日無疆萬國
攸寧祖風遠振此一瓣香論君臣則黃閣簾垂言父
子則紫羅帳合普同供養散木師翁以上諸佛諸祖
大和尚伏願在筵弘護闔郡名賢受佛祖以印心現
宰官而說法此一瓣香清涼池裏澤成大火聚中迸
出將謂蓋天蓋地徹古徹今末後西子湖頭却被箇
没人情老漢掀得一笑只得无解水消和身靠倒至
今不知是寃是恩人天衆前拈出供養卽此堂上開
山第一代傳曹洞正宗二十八世愚菴先和尚用

酬法乳之恩天華和尚白椎竟師云鉤章棘句別日商量敵勝驚羣便請相見僧問向上宗乘未敢特地商量斬新條令一衆願觀施設師云親切莫過此問進云三聖道逢人則不出出則便爲人時如何師云多處添些子進云興化道逢人則出出則不爲人時如何師云少處減些子進云今日和尚開堂又作麼生師云上座試卜度看僧擬議師便喝問鳴鐘伐鼓咸知祝聖開堂豎拂拈椎畢竟明什麼邊事師云落七落入進云怎麼則一句迥超諸佛祖吹毛密展露全機師云却被開梨鈍置適云丹桂飄香葉破瞿曇

鼻孔秋蟾吐耀打翻達磨眼睛握靈蛇魔外潛踪懸寶鏡森羅遁質到者裏任是棒如雨點底德山喝是雷奔底臨濟祇可傍觀不敢正視須知我太陽門下不立主賓別通會貴轉身就父因明兼到同時退位朝君權借正偏回互起木人妙舞聽石女高歌頭頭不露真機法法全彰大用此猶是我新豐門下舊時茶飯今日新資聖更要振轉關頭掀翻陳案卓拄杖一下云搜新羅國與占波國額復卓一下云移南岳山入天台山肚裏燈籠露柱拈掌呵呵大笑正當恁麼時不居尊貴一句作麼生道良久云渠不可作

太陽脚下兒孫不得天華和尚結椎下座 謝詞不錄
中秋小叅曹谿指月腕頭力氣用盡靈山話月口邊白醖轉多帶累西天東土人人醉後添杯西子湖清歌妙舞闌間塚品竹彈絲只有南湖風景從來面目天然任伊淡抹濃粧不肖隨人脚轉資聖恁麼道衆中當佛法商量量鬚眉墮落作世諦流布平地喫交而今更要一手撻一手搥去也以拂子打圓相云夜明簾外許汝轉身資聖堂前不容立地何故恐汝諸人他後道向者裏見來撻下拂子下座
小叅僧問衆香國裏藏身資聖堂前露布未審君臣

道合一句作麼生道師云萬年松蓋祝融峰進云問答不無賓主句請師格外顯全提師豎拂子云此猶是半提進云淡領一問師云蒼天蒼天迺云西風一夜逼人寒赤骨條條祇恁般聖不收片不管打鼓普請大家看喝一喝下座
上堂僧問拈椎豎拂屈爲今時向上宗乘請師直示師云開黎置問不易進云洞山五位不敢重論浮山九帶更煩垂答師云兔子有角水牯無角進云如何是正法眼藏帶師云露天石臼子如何是佛法藏帶師云黃河水自出崑崙如何是理貫帶師云開口見

膽如何是事。貫帶師云：南山雲北山雨，如何是理事？縱橫帶師云：十字街頭，愁布袋如何是屈曲垂帶師云：嫡血驗親如何是妙叶兼帶師云：倒卓吹毛不露鋒如何是金針雙鎖帶師云：錦上鴛鴦，繡不成如何是平懷常實帶師便打進云：九帶已蒙師指示，不當陽一句少知音。師云：親口出親言，舉湛祖問衆曰：還有問話者麼？若有出來，祇要打草驚蛇。一僧纔出，祖云：真是一場業地。卓拄杖下座，愚菴先師云：老漢問得一時俊快，不顧後日風波。者片地從古至今，何曾清淨得來。偶然一時打草，却被者僧靠倒。師云：看者。

五

兩箇老漢如龍得水，難爲把住，似虎靠山，未解放行。今日不肖兒孫，要圓者箇公案，還有問話者麼？不圖打草驚蛇，直要拋磚引玉。一僧纔出，師打云：要你出來，成得甚麼事？便下座。

晚叅舉南泉斬猫話畢，師云：馬頭澆水，則易；馬尾接水，則難。趙州可謂克家之子，其如檢點將來，終非善法。山僧也畜得一箇猫兒，拈向諸人，如何下手？驀顧左右，喝一喝，便下座。

開爐上堂，僧問：資聖堂中，搥毒鼓，夾谿林下，豎獅幢，且道新豐一曲，如何舉唱？師云：大衆側耳進，云如何。

是君師云：煒煒煌煌，如何是臣師？云：雍雍肅肅，如何是君？視臣師云：屈屈垂垂，如何是臣？向君師云：綿綿密密，如何是君？臣道合師云：合時無道，僧禮拜師。噓噓問放行，則天回地轉，把住則海晏河清。卽今把住是放行，是師云：是什麼？進云：三聖道逢人，則不出，出則便爲人。時如何？師云：問取三聖。進云：興化道逢人，則出，出則不爲人。又作麼？生師云：問取興化。進云：和尚卽今是爲人，耶？不爲人？耶？師打云：你道是爲人，耶？不爲人，耶？進云：拈起一枝無孔笛，臨風顛倒兩頭吹。師云：不柰舡何？打破犀斗，趙湛遇居士，問十五日已。

六

前事作麼？生師云：何不早恁麼問？進云：十五日已後，事又作麼？生師云：臨崖看澣眼，進云：卽今事又作麼？生師云：不妨疑著。進云：金風體露，殿角生涼。師云：冬行春令。師卓拄杖云：卽今薦得是第二句。第三句諸人自領出去，要知第一句麼？山僧未開口前，却被露柱勘破了也。還有人勘破露柱麼？喝一喝云：畫蛇添足。雖然如是，盡法無民。拈却炙脂帽，脫去鶻鼻布衫。有甚麼過山僧？恁麼道？落在半途，未是到家。極則事要知，極則事麼？問取堂中第一座。舉湛祖上堂云：以大圓覺爲我伽藍，身心安居平等性智，旣平等已，直。

以十方微塵刹土總是一箇道場過去無量劫不曾結未來無量劫不曾解生亦也在裏許涅槃也在裏許乃至是非得失邪正聖凡解脫不解脫輪迴不輪迴總在裏許於中還有你用心處有你計校處師云者老漢聲騰海宇價重人天伎倆祇得如是帶累兒孫不成計校汝等諸人還計校得麼更為頌出老漢頂門不踏窠解哭如何不解笑解哭不解笑寒却雙耳窸裏叫

早參今朝十月朔佛法開口錯只擔七事憂還慮三發薄水早既頻仍飛蝗復克虐自慚一力無不吐元

七

字脚法堂任草溪佛祖填溝壑停撻法呂鼓且用清平杓千七百葛藤言言盡糟魄有甚向上機人天眼開鑿生死到頭來靈龜生脫殼資聖少叢林慣觸忤先學一任舉諸方任諸方卜度驚豔拂子云祇有者些子天地同寥廓便下座

普請擇菜小叅拈起拂子云祇者一莖不是後園驢吃豈從谿澗流來未宜親自栽培到底鮮能知味拈起也根株不斷信手斬除放下也枝葉廉纖和身抖擻半青半黃揚下撻撻堆那怕爛却不濕不乾打疊落甕裏正好淹殺不到乾爆爆地未許水漉漉地果

能食時不嚼一莖方可歲月消磨百寶資聖恁麼與他古人至道無難唯嫌揀擇畢竟如何折合良久云喚出祖師來也少他一莖不得撻拂子下座除夕晚叅拈拄杖云天下叢林逗到今夜謂之臘月三十不管迷悟聖凡是非善惡主賓內外總教一齊放叅有箇不解放叅底猛地出來道和尚欺人太煞某甲從無量劫來不解放倒用叅作麼山僧便問是阿那箇有甚伎倆試吐露看便揚聲曰拄地撐天祇者頭打開活路儘風流條條赤體無回互倒卓毘盧頂上遊山僧撥眼一看原來不是別箇木上座卓一

八

下云善哉木上座巧能得佛智珍重見聞者分明祇者是卓一卓下座

元旦上堂僧問第一義諦某甲不敢造次新年頭佛法還許商量也無師云山僧刮目相待進云昨夜燈籠與露柱交叅屬第幾機師打云莫嫌造次進云且喜今朝是元日師云何勞注脚問凡聖性無別君臣體是殊如何是君師云無人得親近如何是臣師云奉重在今時如何是君視臣師云萬方忘化德一體感羣功如何是臣向君師云不辯雍熙氣安知造化心如何是君臣道合師良久進云恁麼則天下太平

萬物蒙恩去也師亦良久乃云也大奇也大奇新年佛法不思議人云只有天在我道更無山與齊無山可齊卽且從敢問大衆還識得天麼不是浩浩其天亦非鳶飛戾天鷲起身云仰今

皇帝德處處樂堯年喝一喝下座

小叅今朝二月一日雨洗石頭骨出落梅片片沾泥嫩柳絲絲吐碧光陰暗地催人脈脈齒疎頭白自宜撒手懸崖放下腰包雨笠露柱夜半懷胎燈籠日出上壁新羅荔枝地翻身拽取占波鬪額若作奇特商量地獄如射箭入喝一喝下座

文解

神峯憲禪師語錄卷一

九

誕日上堂僧問人人有箇生緣且道不涉生緣底來如何相接師云從來疑者漢僧便禮拜師云瓦解水消問和尚春秋一衆咸知堂中聖僧知年多少師豎拂子云與者箇不別進云虛空年多少師云兩箇進云恁麼則和尚壽量不異虛空師云依樣葫蘆畫不成進云只得瞻禮去也師云大隨道的廼云父母非我親誰是最親者諸佛非我道誰是最道者那吒析骨拆肉不借他力達磨分髓分皮客在汝邊未生面目描畫難成纔落今時見聞莫及得之於心伊蘭作海檀之樹失之於舌甘露乃蒺藜之園但領目前莫

文解

神峯憲禪師語錄卷一

十

求心外聖情不立凡見全消不見永嘉道不離當處常湛然覓卽知君不可見取不得捨不得不可得中祇麼得且道不可得中如何是得底道理卓拄杖云釋尊得之四月八日稱尊三界普尊得之二月十九克證圓通慈氏得之補處當來變子得之速超餘漏人天得之增長十善三途得之永斷輪迴盡大地情無情得之齊臻佛性同住真常現前諸人得之各各自知心徧十方量周法界主微塵裏轉大法輪於一毛端現寶王刹且道山僧今日又作麼生卓一下云五月五日年年度者回懶著娘生袴虛空背上架鞦

神峯憲禪師語錄卷一

說戒上堂僧問拈出火裏看毛未敢輕問和尚今日說戒請問如何是戒師云搭衣持鉢進云如何是定師云鬼窟裏作活計進云如何是慧師云山僧從來惜道進云戒定慧與火裏看毛相去多少師云上座拈得出麼進云四衆瞻仰有分師云謾山僧卽得進云若無舉鼎拔山力千里烏雞不易騎師云阿誰分上事僧一喝師便打問千聖不傳之的旨請師傍通一線師云我若向汝道則辜負千聖進云恁麼則密不通風去也師云早成露布僧禮拜師乃喝一喝云

過去諸如來斯門已成就現在諸菩薩今各入圓明
未來修學人當依如是法於斯會得水流花開著著
顯當人受用雲興而霽頭頭露本地風光撮莖草現
丈六金身拈粒米藏大千世界直須橫該豎抹那容
播兩拈觔因齊慶贊偶爾成文竿頭隨身逢場作戲
諸人還委悉麼其或不然今日諸沙彌求進具戒巨
上座請山僧陞座少間登壇說戒之後各各須要持
鉢過堂喝一喝下座

小叅僧問若能轉物卽同如來如何是轉底道理師
拈拄杖云不可喚作拄杖進云祇如世尊觀明星悟

道還轉也無師云不可不喚作拄杖進云恁麼則隨
和尚轉耶師云瞎却天下人眼僧一喝師便打舉殃
崛尊者產難因緣畢師云長者家產難幸得殃崛傳
言一時分娩昨夜露柱懷胎產下箇南山鼉鼻畢竟
承誰恩力有人道得得力句許汝灑灑地作箇了事
衲僧其或不然飢時遇饍渴時遇漿不妨處處疑著
寒食小叅此事不是說不得底說不得是無句不是
說得底說得是有句不落有無現前諸人試道看良
久云有無總道不得却被有無礙是么句有無總道
得不被有無礙落在半途道有之時纖塵不立道無

之時萬法齊彰不落有無情解俱遣纔是活句且道
作麼生是透活句拂一拂云東風匝地逢寒食雨洗
桃花萬戶春

五月分衛小叅來朝五月五家家門前懸艾虎茅山
道士賣靈符打破葫蘆叫冤苦張真人與王元帥特
地商量道近日諸方乞食塞巷填街祇是覷不見資
聖長老大眾你道他兩箇俗漢不顧自家活計便恁
麼問意在於何會得底依例出隊不會底只消覓得
鬚鬚赤不須更覓赤鬚鬚拂拂子下座
晚叅拈竹篋子畫一畫云江西來也在者裏河南來

也在者裏四川八閩來也在者裏山東山西來也在
者裏祇如有一人總不恁麼來且道安放何處放下
竹篋云烟霞生背面星月繞檐楹

結夏小叅舉洞山老祖示衆云秋初夏末兄弟或東
去西去直須向萬里無寸草處去良久云祇如萬里
無寸草處作麼生去有僧舉似石霜霜云何不道出
門便是草師云諸兄弟如今脚跟下徧地荆棘擬向
萬里無寸草處去大難大難縱使踏破幾鞵草鞵究
竟不離者裏不如本分好諸兄弟要識洞山麼拍禪
牀左邊一下要識石霜麼拍禪牀右邊一下祇如更

有箇道不出門亦是草漫漫地又作麼生會若何者裏透得許汝開粥鍋度夏其或不然根塵流注觸體穿晝夜惺惺要防賊喝一喝下座

示衆舉法昌示衆云夜半烏雞誰捉去石女無端遭指註空王令下急搜求惟心便作軍中主雲門長驅爲山隊伍列五位槍旂布三玄戈弩藥山持刀青原荷斧石鞏彎弓禾山打鼓陣排雪嶺長蛇丘屯黃蘗飛虎木馬帶毛烹泥牛和肉煮賞三軍犒師旅打葛藤分露布截海揚塵橫山散土擊玄關除微路多少平人受辛苦無邊刹海競紛紛三界聖凡無覓處無

十三

覓處還知否昨夜雲收天宇寬依然帶月啼高樹師云者箇烏雞原是家中故物任渠霜天月夜高唱低鳴無端被法昌老子一趂直得羅籠不住呼喚不回帶累一隊老古錘擾動乾坤尋覓不得鷲豎拂子云原來却在者裏遂擲下云月高不肖啼溪樹霄漢會經抱卵歸

除夕晚叅年窮歲盡更無奇特事與諸人商量拄杖子應聲近前曰有奇特事啓和尚昨見陳年壁上桃符扭痛雛神鼻孔雛神奮力跳上石敢當頂門大叫苦屈桃符曰甚麼時節許你擡行奪市雛神大笑道

一向受你謾昧臘月三十日到來也須讓我一籌桃符祇得唯唯而退仍舊聳身上壁拄杖子依然立地諸兄弟都是叅玄人到此莫爾莽逗到大晝夜看看無處躲卓拄杖下座

元日上堂今朝丙辰元旦日此事從來無固必牀頭夜半日輪紅天曉原來地下溼叢林闔衆盡知時伐鼓鳴鐘頌北極黃金瓦礫盡增輝敢保頭頭諸事吉兩廊廚庫謁僧堂佛殿山門相對揖重教日用任騰騰摩訶般若波羅密倘衆中有箇出來道堂中聖僧爲甚麼不在裏許山僧便向他道來日更須下一光

十四

供養下座

上堂諸禪德識得一道平當便是無限奇特穿衣喫飯騰耀古今放尿屙矢多少諦當所謂似地擎山不知山之孤峻如石含玉不知玉之無瑕山僧恁麼道已爲諸人入泥入水珍重諸禪本自無文慎勿雕鏤剎剎喝一喝便下座

晚叅拈拄杖云諸兄弟甚時節直須撒叮去哇何用循途守轍肚皮寬如布袋佛祖難容脚板潤似金剛虛空嫌礙器度如是纔知千七百則原來蝦跳不出斗三十三人何曾覓裏走失鼈你更如何若何眼裏

重新著屑卓拄杖一下云背手彎弓當面著賊

冬至上堂僧問一陽纔動大地春生請問和尚如何是陽春一曲師云耀古騰今進云僧問古德日長多少云長一線一線且置敢問今日佛法長多少師云誰敢論量進云天上有星皆拱北人間無水不朝東師云杓卜聽虛聲乃云葭管飛灰一氣新山河豈是眼中塵衲僧鼻孔重添楔漏洩東君一段春冬至月頭賣被買牛冬至月尾賣牛買被今年冬至喜得不在月頭不在月尾更不在月中說甚牛被賣與不賣衲僧家既不受囊藏阿誰蓋覆得你不犯苗稼阿誰

十五

拘管得你到諸方則得若到資聖門下更須一一按過始得卓拄杖云自從得合桑林舞游刃恢恢恁地

上堂也大奇也大奇無情說法不思議以拂子指前曰此是亮鬲指後曰此是屏風左右指云此是露柱更要說甚麼法便下座

解制圓戒剃度上堂僧問答曰世尊觀明星悟道卽今和尚見箇甚麼師云說似諸人卽不中進云世尊以此爲驗和尚以何爲驗師云驗你祖先進云畢竟還有優劣也無師云一任闍黎顛倒進云和尚得恁

麼督地師云莫謗他好乃云資聖結則大千世界同時結資聖解則大千世界同時解須知時節在山僧手裏拈拄杖云三乘四果脫三界證寂滅在者箇時節四生六趣越生灰出輪迴在者箇時節行童沙彌剃度入大僧在者箇時節釋迦老子觀明星悟道在者箇時節乃至三世諸佛歷代祖師降生入滅證道轉法輪都在者箇時節識得者箇時節便識得三世諸佛歷代祖師降生入滅證道轉法輪底時節諸人還識得者箇時節麼卓拄杖云下坡不走快便難逢便下座

十六

晚參舉雲菴和尚示衆云洞山門下入凹九凸交交加加屈屈曲曲崎嶇嶇嶇嶇嶇水雲掩映烟嵐重疊觀者遊者十人九人舉步便逃却路頭也其中莫有不迷者麼乃喝云且道洞山路頭在甚麼處師云從來驀直禿大路無人能到何況如是凹凸屈曲崎嶇嶇嶇要人不迷却路頭洞山可謂南行北轍大似鬼門上貼卦末後又道洞山路頭在什麼處早是自家迷却了也若較資聖太遠在者裏山門八字打開南通杭紹北通蘇西接吳興一帶大路不管船來陸來跨入山門便好開單展鉢但只要問你路頭從